

Rietvallei "Hande wat gee"

Horison Sorgsentrum

Soos meeste van ons al seker weet is Horison Sorgsentrum (HSS) 'n stimulasie- en versorgingsentrum vir erg en uitermatig gestremde kinders / persone. Almal het breinskade en party is ook liggaamlik gestremd. Sommige is ook blind. HSS is uniek vanweë die feit dat daar voorsiening gemaak word vir kinders van alle ouderdomme wat onopleibaar gestremd is.

Die sentrum is in 1980 gestig met die doel om dagsorg en terapeutiese dienste aan kinders te verskaf. Die sentrum kan 40 kinders en 12 personeellede akkommodeer. HSS is 'n geregistreerde NGO (Non-Government Organisation) en NPO (Non-Profitable Organisation). Die staat subsideer slegs die kinders, maar nie die ongeveer 9 voltydse personeellede se salaris nie.

1. Tydens ons onlangse 2022 "Hande Wat Gee" AJV is daar weereens besluit om HSS te ondersteun deur onder andere ons Kerkkollekte wat ingesamel is, aan hul te skenk. Maar a.g.v. die Covid regulasies en beperkings, het ons dit veilig beskou om nie hierdie jaar die tradisionele oorhandigings funksie te hou nie. So is ons bydrae ter bedrae van R 4 000 elektronies oorbetaal met die onderstaande dekkingsbrief, soos op 10/08/2022. Die sentrum se dankie-sê skrywe volg daarna.
2. Verder het ons ook kruidenierware (blikkieskosse, kondensmelk, jellie, pasta, konfyt, mieliemeel en ander pap, sout, toiletpapier, skoonmaakmiddels ens) op 27 Julie 2022 afgelewer.

Baie dankie aan ieder en elke Rietvalleier wat vrywillig tot hierdie goeie doel bygedra het - Hande Wat Gee, voorwaar!



Tyd vir Dankie-sê vanaf Rietvallei aan HSS:

10 Augustus 2022

Goeie more Rina en personeel

Buiten ons onlangse skenking van 'n paar stukke kruideniersware, aangeheg 'n donasie ter waarde van R 4 000.00 vanaf jul kampvriende by SAWA Rietvallei.

Ons vertrou dit kan so bietjie van jul finansieëlle las verlig in hierdie moeilike tyd. As gevolg van die Covid risiko's het ons dit goed gedink om nie hierdie jaar 'n funksie te hou nie, maar belowe om op te maak sodra moontlik!

Dra ons groete en dank oor aan elkeen van jou besonderse personeel wat hierdie spesiale versorgingswerk met al hul liefde afhandel.

Vriendelike groete

Tjaart Klaasen

Nms SAWA Rietvallei

Horison Sorgsentrum

Tyd vir Dankie-sê vanaf HSS aan Rietvallei:

1. Kerkkollekte - 11/08/2022

"Liewe SAWA-vriende

Namens die beheerraad, personeel en kinders ons opregte dank vir jul mildelike donasie van R 4 000.00, dit is vir ons regtig van groot hulp aangesien dit tans baie moeilik gaan met die finansies.

Ons kon nie fondsinsamelings tydens die Covid-inperkings hou nie en kontant donasies het ook minder geword as gevolg van donateurs wat self hul werk verloor het.

Ons maandelikse sentrumfonds wat ouers moet betaal het geweldig agterstallig geraak ook as gevolg van sekere ouers wat hul werk verloor het.

Nogtans dank ons ons Hemelse Vader wat altyd voorsien.

Baie dankie dat julle ons so ondersteun. Geniet julle wegbreeknaweke en bly veilig.

Horison-groete

Rina."

2. Kruideniersware - 01/08/2022

"Goeie dag al ons vriende van SAWA Rietvallei

Graag wil ons baie dankie sê vir almal wat bygedra het vir Horison Sorgsentrum se kruideniersware. Ons spensrakke was amper leeg toe Tjaart hier aankom met al die kruideniersware.

Ek dink Tjaart het gedink ons koppe raas want ons het amper gedans van blydskap oor al die jellie! Die kinders is tog so lief daarvoor.

Baie dankie weereens ons waardeer die groot donasie opreg.

Horison groete

Rina"

Horison Sorgsentrum

Dankbare glimlagte ontvang die kruideniersware!



Daar is jellie en sout - yippeeeeeee en baieeeee dankieeeee!

